


聖王濟總錄

百四十

庫文閣内	
漢	二
内閣文庫	
番號	漢 12609
冊數	200 (139)
函號	300 212





大學東
校典藉
局之印

大德
重校聖濟總錄卷第一百四十

金瘡門


毒箭所傷

狐尿刺


箭鏃金刃入肉

惡刺

竹木刺傷肌肉不出



Blank columns for text on the right page.



毒箭所傷

論曰箭鏃毒藥入皮膚肌肉間令人短氣悶絕口噤脣乾血雖止而腹滿不能言其人如醉者為難治若瘀血應時出其瘡溫而熱開能言則可治也巢氏論毒箭有三種曰嶺南夷俚人用焦銅作箭鏃嶺北諸處以蛇毒螫物汁着管中漬箭鏃及有以肉藥為之者三種傷人皆不易治唯急飲糞汁可以禦其毒小緩則毒氣深入不可救也

治中毒箭解毒藍子散方

板藍子伍合生用 升麻

甘草炙

王不留行

各肆兩

右四味搗羅為散每服二錢匕溫水調下不拘時候

日三更以水調少許塗於瘡上

治箭鏃毒藥在內不出半夏散方

半夏

參兩以生薑參
介取汁浸參日

白欬

兩

右二味同炒過搗羅為散每服半錢匕以溫酒調下

日三夜一不拘時淺瘡十日出深瘡二十日出

治箭鏃毒藥入諸處不出牡丹散方

牡丹皮

為末
貳分

白鹽

兩

右二味同研勻為散每服二錢匕溫酒調下日三其

箭鏃漸漸自出

治金刃箭鏃瘡辟風續筋骨止血石灰傳方

風化石灰

細末
參兩

生地菘苗

生旋復花

生葛葉

生青蒿苗

生麥門冬苗

各半兩

右六味除石灰外研絞取汁和石灰作餅子暴乾搗羅為散用傳瘡口兼止血止痛辟風水重午日合尤

佳

治毒箭服貝子散方

貝子

右一味搗羅為末每服一錢匕溫酒調下不拘時日

三四服此方治中毒亦妙

治毒箭乾薑散方

乾薑末 鹽

右二味等分再同研勻傅瘡上毒自出

治毒箭所傷煩亂欲絕飲麻子汁方

大麻子升參

右一味搗取自然汁每服半盞許日再服

治毒箭雄黃傅瘡方

雄黃

右一味搗研為細末傅瘡上日四五度汁出便愈治

毒蛇咬瘡亦妙

又方

右取蘆根自然汁每服半盞許日二夜一方飲藕

汁唯多為妙

治毒箭甘草飲方

甘草兩參

右一味細剉用水二升煎取一升絞汁每服一小盞

溫飲日三服仍淋瘡上

治毒箭生薑飲方

生薑半斤切

右一味研如泥取自然汁飲五分一盞未退再服

治毒箭旋復根散方

旋復根

不拘多少

右一味搗羅為散每服二錢匕以溫酒調下日三服

不拘時候仍用傅瘡中若無根花只子亦可用

治毒箭地龍散方

地龍糞

右一味研為末熟水調服一錢匕日三服不拘時候

治藥毒箭頭在身諸處未出雄黃散方

雄黃

細研壹分

粉霜

半兩研

蜣螂

肆枚為末生用

巴豆

參粒去殼別研如泥生用

右四味再同研為散以銅筋頭取乳汁調點瘡上頻
頻用之七日瘡熱箭頭自出

箭鏃金刃入肉

論曰凡箭鏃金刃入肉治宜速出之或有碎骨亦須去
盡然後塗傅諸藥不然其瘡必不合縱復少愈亦常作
疼痛若神驚血亂氣奪則死矣

治金瘡箭頭在骨遠年不出牡丹散方

牡丹

去心

白斂

各壹兩

桑根白皮

剉貳兩

藿香葉

丁香

麝香

研各壹分

右六味搗羅為散每服二錢匕溫酒調下日三淺者
十日深者二十日箭頭自出

治箭頭不出方

磁石生搗研極細 雄黃研各分

右二味同研令勻每服二錢匕菘豆汁調下空心十
日後輕撥便出手足上用此藥貼之自出

治金瘡止痛急風及破傷風出箭頭急風散方

草烏頭參兩將壹兩火燒存性醋淬令冷壹兩
依前法燒用新黃土罨令冷壹兩生用

生黑豆壹分 丹砂研壹兩 麝香研壹分

右四味搗羅二味為散入丹砂麝香同研細如出箭

頭先以半錢匕酒調下後用藥點箭瘡如破傷風半
錢匕或一錢匕酒調下小可病只一字量力加減

點藥箭頭令自出虎舌丸方

乾虎舌半兩用石臼杵搗為末 生草烏頭尖末參錢

磁石半兩性緊者石臼杵搗為末 水銀參錢同磁石末壹處研細

令水銀星盡 硫黃舶上者壹錢 消石貳錢同硫黃研

楮實末貳錢 硃砂透明者貳錢研 丹砂壹錢研

金牙半兩石杵臼搗為末

右一十味一處於乳鉢內更研極細石腦油為丸如
黍米大令兩頭尖角合子盛貯每出箭頭一枚用藥

一丸竅內將銅筋點入箭瘡內即以好酒少許摩瘡
四畔次將紅散子摩瘡須臾覺瘡極熱而痒其箭頭
當日內自出次以生肌金華散摻瘡內以紫金膏封
之

摩瘡上紅散子方

蔓陀羅子 草烏頭尖 騏驎竭

茄子花 蓖麻子去殼細研各半兩

右五味搗羅為細散以好酒調如膏於瘡口上塗摩
之箭頭自出

治金瘡刀箭入肉骨碎不出赤腫疼痛方

馬韁灰兩壹 弓絃灰兩壹
右二味同研令勻每服一錢匕用蓼藍汁調下日三
治箭頭入肉赤腫辟風斂瘡當歸續斷膏方

當歸 續斷 骨碎補

桂皮去麤 附子 澤蘭

芍藥 白及 牛膝

羌活 芎藭 木香

騏驎竭 生乾地黃 白殭蠶

白附子各壹兩 沉香 丁香各半兩

栝樓貳枚大者 烏蛇肉 白欽

白芷
玄參各壹兩
杏仁

桃人各參分

右二十五味並細剉入麻油四斤豬脂一斤半駝脂三兩用文武火煎三日後濾去諸藥入乳香三兩松脂六兩更煎一日用生絹濾却蠶滓再用五斗大生鐵鍋細羅鉛丹三斤炒令紫色旋旋入前藥油煎以柳枝子攪令紫色即旋退火以藥油滴少許水椀內成珠子為度以瓷器密收依前法用

治箭鏃不出雄黃丸方

雄黃研
獨角仙
礪砂研

不灰木
威靈仙去土
木槿花各壹分

鼠壹枚心頭取血研入衆藥內

右七味除鼠血外搗研為散和勻鍊蜜丸如黃米大內在瘡內箭頭自出

治箭鏃不出解骨丸方

雄黃研
蜣螂研
象牙末參味各等分

右三味搗研為散鍊蜜丸如黍米大內瘡口內後細嚼羊腎脂摩貼之覺痒箭頭自出矣

治箭鏃入骨不可拔無計得出巴豆膏方

巴豆伍粒去殼生研
蜣螂壹枚去足翅生用

右二味同研勻如膏用時丸如菜豆大塗箭瘡內須
更痛定微痒且忍之待極痒不可忍撼動箭鏃即拔
出其効如神

治箭鏃不出方

蜣螂

五月五日
取者佳

斑猫

各染枚刺棘
上暴乾細研

砒黃

細研
半兩

右三味和勻入青竹筒三寸內卷蠟紙塞口更以蠟
紙封定廁中浸三七日取出洗暴乾每用一豆許待
痒按之自出

治箭頭不出白歛散方

白歛

貳分

牡丹

參分

右二味搗羅爲散每服三錢匕溫酒調下空腹日午
夜臥各一

治金瘡及箭入肉不出腫痛馬韁灰散方

馬韁灰

弓絃灰

各壹兩

右二味共研爲散每服二錢匕用蓼藍汁調下日再
服

治箭鏃不出葛根飲方

生葛根

參斤
剉

右一味細研絞取自然汁每服半盞不拘時候日三

治一切金瘡無不効者

治箭頭入肉不出赤小豆飲方

赤小豆半斤

右一味以水五升煮令爛熟絞取汁每服一盞空腹

日午夜臥服

又方

右用鼠肝五具細切爛研傅之兼以鼠腦髓塗並良

亦治人針折在肉不出

又方

右取螻蛄腦十枚細研量瘡塗之即出

又方

右以生鼠皮一枚及前兩足燒作灰用豬膏和塗之即出

又方

右擣牛膝不限多少作末以熱水調塗箭瘡即出若火瘡灸瘡不能差者塗之亦效

又方

右細刮象牙屑多少以水和貼之及折針竹木刺不出皆藥

又方

右以白項蚯蚓十四枚內銅器中次入研細鹽一兩於日中暴並化作汁塗有箭鏃并刃傷處須臾痒則出

又方

右嚼杏人不限多少塗之

又方

右擣烏梅不限多少為散水和塗之即出

又方

右取蟻螬不限多少細研取汁塗之血止即出
出箭頭抵聖散方

附子

貳枚重半兩者炮裂去皮臍

檳榔

貳枚壹生壹熟

大黃

剉

肉豆蔻

去殼

木香

當歸

剉焙

吳茱萸

洗焙炒

黃連

去須

芎藭

陳橘皮

湯去白焙

乾薑

炮

桂皮

去麤皮

蕪荑

豬牙皂莢

酥炙去黑皮并

子各

壹分

巴豆

半兩去皮以漿水煮參拾沸麩炒黃研出油

蒼鼠

剉焙乾研末壹兩

右一十六味擣羅為細末沒藥酒調下一字七只三服箭頭立出

狐尿刺

論曰狐尿刺者狐狸尿草棘上人有誤犯則發腫痛焮熱多在於手足指節然亦有端居不出而被此毒者蓋毒氣有相類之證亦不必狐尿乃爾也

治狐尿刺久不差白歛膏方

白歛

羊糞

栝樓根各半兩

右三味搗如膏封裹瘡上一復時其刺自出

治狐尿刺發腫痛焮熱牛蒡根傳方

牛蒡根

薤根各貳兩

右二味同搗爛傅腫上其刺立出

治狐尿刺棘人腫痛蠟滴方

黃蠟半兩

右一味鎔汁看冷熱得所滴腫痛處即愈

治狐尿刺日夜躁痛不得眠睡蒲公英塗方

蒲公英

連根莖葉肆兩

右一味搗爛絞取白汁頻塗之妙

治狐尿刺疼痛不可忍栝樓傳方

生栝樓根

豉等分

右二味搗作餅傅之乾即易

治狐尿刺在手足指節間腫痛豉傳方

豉壹兩

右一味熟嚼傅之少頃看鼓中當有毛不見更嚼傅之以毛出盡為度

治狐尿刺人焮熱腫痛杏人洗方

杏人貳柒粒

右一味細研煮一兩沸乘熱以浸刺處數易之良

治惡刺入肉桂蠟丸

桂去麤皮

右一味搗為末鎔黃蠟丸看瘡大小置瘡內濕紙三五重搭蓋以火燂候藥丸鎔入肉其刺自出如無刺即所傷者可平也

治惡刺獨栗塗方

獨栗不拘多少

右一味爛嚼塗之裹以帛若有刺自出

惡刺

論曰惡刺初得以蛇虺毒氣經由草木水澤間有人染着忽似刺割俄致腫痛其肉潰爛若手足上着往往指節墮落土人諳歷既多初覺刺時艾灸數粒十愈七八灸弗愈者宜速以藥塗傅之

治惡刺龍葵膏方

龍葵根

苜蓿子

胡鷲窠

獨顆蒜

胡荽子

鼠糞

杏仁

湯浸去皮尖
雙人麩炒

豉

各半
兩

右八味用漿水飯相和爛搗醋調封之每日一換經

五七次差

治惡刺葱蒲膏方

葱白

壹握

蒲公英

伍兩

豉

壹合

右三味爛搗用醋麩紙封貼頭出即差

治惡刺野狐膏方

右用雄野狐脣爛搗和鹽封之

治惡刺蒼耳洗方

右用蒼耳搗汁洗之

治惡刺木蟲塗方

右取木中蟲和醋研封之

治惡刺無心草塗方

右用無心草根爛搗醋和封之

治惡刺蔓菁牛乳傅方

右五月五日收蔓菁子旋搗末以烏牛乳和調傅之

人乳亦得

治惡刺莨菪浸方

右煮莨菪根水浸之冷即易

治惡刺黑豆汁漬方

右濃煮黑豆汁漬之

治惡刺燕麥傅方

右搗燕麥二三兩傅之

治惡刺苦瓠浸方

苦瓠壹枚

右開口內童子小便煮二三沸浸患處

又方

李葉

棗葉

右二味搗絞取汁塗之

又方

取白馬尿溫漬之

又方

取烏父驢尿漬之

竹木刺傷肌肉不出

論曰竹木刺所傷若為患淺然入人肌肉久不得出則損動榮衛而作瘡或中風水則腫痛成膿淹留歲月未易治也刺傷之初宜速去之加以塗傅無致風水之孽治金瘡水毒及竹簽刺癰疽熱毒等方

糯米參升入瓮盆內於端午前肆拾玖日以冷水浸之壹日兩度換水換時輕淘辟去水勿令

攪碎浸至端午日取出
暴乾生絹袋掛通風處

右一味每用旋取少許炒令焦為散冷水調如膏藥
隨大小裹定瘡口外以絹帛包縛候瘡愈解去若金
瘡誤犯生水瘡口作膿漸甚者急以藥膏裹定良久
其腫處即消更不作膿直至瘡合若癰疽毒瘡初發
纔覺焮腫赤熱急以此膏貼之一夜便消喉閉及咽
喉腫痛吐腮並用藥貼項下及腫處若竹木簽刺入
肉者臨臥貼之明日揭看其刺出在藥內若貼腫毒
乾即換之常令濕為妙惟金瘡及水毒不可換恐傷
動瘡口

治竹木刺蓄薇灰散方

蓄薇伍斤

右一味燒灰細研為散每服一錢匕溫酒調下空腹
日午夜臥各一服

治竹木刺不出鑿柄灰散方

鑿柄一

右一味燒灰細研為散每服一錢匕溫酒調下
治竹木刺久在肉中不出王不留行散方

王不留行伍兩

右一味擣羅為散每服一錢匕溫酒調下空腹日午

夜臥各一服
治竹木刺不出瞿麥散方

瞿麥兩伍

右一味搗羅為散每服一錢七溫酒調下空腹日午
夜臥各一服

治竹木鍼刺入肉不出惡瘡蒜豆膏方

大蒜一顆 巴豆七枚去皮

右二味同研成膏傅之日一易

治竹木鍼刺入肉不出傅方

羊糞

右一味為細末豬脂和傅日三五上經宿自出

治簽刺在爪甲中痛不可出梔子套方

梔子殼半箇填車脂滿殼中

右套在指上如痛處稍痒刺自然出以鑷子取之甜
指亦依此法

治一切金木竹所傷牛蒡葉散方

牛蒡葉惡實葉是陸柴月收者

右一味風乾為散每用量瘡口大小乾摻貼之不得
犯別藥如經暑月蠅蟲下蛆在瘡上或因肌肉生合
有成小窠子者即用杏人研成膏手撚作條子入在

竅內其蛆蟲自出

治鍼折入肉不出象牙散方

象牙屑

右一味以鼠腦和傅之立出

治竹木刺入肉鹿角灰塗方

皂莢壹挺

膽礬壹分

右二味燒作灰細研乾貼之

治竹木刺入肉鹿角灰塗方

鹿角

右一味燒灰細研以豬膏和塗之

治竹木刺入肉疼悶百治不差方

松脂

右一味取流出如稀乳頭香者傅瘡上以帛裹數日

當自出

大德重校聖濟總錄卷第一百四十

當日出

六

餘



日

